



J. ALBERTIUS
PSALMI. XC.
EXPLICATIO



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 312 8°





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 312 8°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 312 8°




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 312 8°


7, - 115.

LN 312

M







PSALMI. XC.

EXPLICATIO TRIBVS

*Concionibus distincta, ita vt Eccle-
sij Dei proponi possit, in Diebus
publicarum precationum, quæ
in hoc Regno Daniæ cele-
brabuntur 18. 19.*

20. Iunij.

*scripta
à*

IOHANNE ALBERTIO.



Hafniæ,

EXCVDEBAT LAVREN-
tius Benedict.

CONCIO PRIMÆ

Diei.

TEXTVS.

Oratio Moysi viri Dei.

1. Domine refugium tu factus es nobis, a generatione in generationem.
2. Priusquam montes fierent, aut formaretur terra & orbis, à seculo & usq; in seculum, tu es Deus.
3. Qui Redigis hominem ad nihilum, & dixisti: reuertimini filij hominum.
4. Quoniam mille anni ante oculos tuos, tanq̃ dies Hesternæ, quæ præterh̃t, & sicut uigilia nocturna.
5. Facis diffluere eos sicut nimbū, somnium sunt, sicut gramin quod subito exarescit.

Quod

6.



ler
da
ira
ten
na
nib
pr
cu
se
pe
on

6. Quod mane floret, & mutat
tur uespери, exciditur & as
rescit.

EXORDIVM.

NON DVBIVM EST
Charissimi, quin horribi
les clades & miseriae, hor
ribilium & atrocium sce
lerum sint pœnae, & manifesta quæ
dam testimonia, quibus Deus ipse
iram suam aduersus omnem impieta
tem & Hypocrisin, iuxta commi
nationes in verbo propositas, homi
nibus ostendit: Vt in hac multiplici
prauitate, quã maxima Mundi pars
cum contemptu Dei suauiter con
sectatur, discant Deum verè odisse
peccata omnemq; ordinis sui confusi
onem. Quemadmodum Psal: 5.

A 2

di

*dicatur. Odisti omnes qui operantur
iniquitatem. &c. Discant vera ag-
nitione propriæ infirmitatis & fidu-
cia miserationum Dei ad Deum con-
uerti, atq; in hac sordida natura in-
ordinatis motibus & cupiditatum
flammis resistere: discant aduersus
Sathanæ fraudes, & mala mundi
exempla, indies defensionem à Deo
ardentibus gemitibus petere, ne vel
erroribus vel carnis imbecillitate de-
cepti, in scelera ruant præcipites, &
iram Dei aduersus se concitent.*

*Cùm autem adhuc in conspec-
tu sint miserabiles illæ plagæ & ca-
lamitates, quibus Deus hætenus hoc
Regnū puniuit, Pests videlicet exi-
tialis, quæ nondum cessauit penitus,
fames rerumq; omnium caritas, &
grauissimi Bellorum motus, qui hor-
ribi-*

*rib
tra
de
Ep
sta
D
ir
pa
tia
ve
bu
vi
on
ta
pe
qu
se
po
m
co*

ribiles vastationes multis in locis at-
traxere: id sanè ante omnia nobis vi-
dendum est, ne vel cum securis &
Epicureis tantas miseras casu oriri
statuamus, vel cum Stoicis fatali
Decreto rerum euentus ascribentes,
irrita prorsus & frustranea omnis
pœnitentiæ & inuocationis exerci-
tia contra verbū Dei existimemus,
vel cum Hypocritis proprijs sceleri-
bus latibula quærentes, aliorumq;
vicia plusq̃ linceis oculis intuentes,
omnem extra nos tantarum calami-
tatum causam quæramus, eosq; solos
peragamus reos, quos hætenus ali-
quod infortunium oppressit. Sed
seposita securitate, Erroribus & hy-
pocrisi, causas & fontes tantorum
malorum rectè intueamur, atq; in hoc
concurso calamitatum in nos ipsos

A 3

descen-

descendamus, qui varijs sceleribus
iram Dei commementibus contami-
nati sumus, promissionibus Dei con-
stanter adhaereamus, quæ presentem
consolationem afflictis animis adfe-
runt, abstineamus ab huius Mundi
illecebris, & patienter nos volunta-
ti diuinæ subijciamus, exercitijs fidei
& innocationis inuigilantes, vt in
medijs afflictionibus vera læticia,
mortis omniumq; malorum victrice,
perfundamur, certi de paterna Dei
erga nos beneuolentia, qua decurso
huius vitæ spacio, ad æternum bea-
torum omnium consortium recipia-
mur.

Hæc sanè cum pijs omnibus in
hac ærumnosa vita summè sint ne-
cessaria, eaq; vt aliàs verbum Dei,
ita

ita Psalmus. 90. qui Oratio Moysi
viri Dei inscribitur, ante oculos no-
bis graphicè depingat, non abs re
constitutum est, vt huius Psalmi ex-
plicatio Ecclesijs Dei, hisce tribus
publicarum precationum diebus, pio
serenissimi Regis nostri mandato
per totum hoc Regnum ordinatis,
proponatur. Vt enim descriptionem
multiplicium miseriarum, quibus
hæc vita est ohnoxia, comprehendit,
ac simul malorum omnium veros fon-
tes recitat: Ita quoq; certa consolati-
one harum rerum cogitationem tem-
perat, monstratq; quodnam in hisce
afflictionibus & angustijs tutissimū
fidelibus sit refugium, & quæ reme-
dia tantis vulneribus sanandis ad-
hibenda, ne mole & magnitudine
calamitatum fracti, spem omnem

abijciant, & propter præsentia flagella Dei se ab ipso penitus reiectos arbitrentur.

ENARRATIO.

Porro vt ad profectum & instructionem nostram hic Psalmus quam rectissimè accommodetur, è sex primis versibus hac concione tres Locos potissimum colligamus.

PRIMVS, est, Commemoratio beneuolentiæ & gratiæ æterni Dei ad quem pios omnes in consideratione suarum infirmitatum respicere decet.

SECUNDVS, est, descriptio breuitatis & calamitatis præsentis vitæ.

TER

la-
tos
ad
in-
us
, è
res
ra-
rni
de-
spi-
tio
tis
Re

TERTIUS, est, huius descrip-
tionis vsus.

DE PRIMO.

Moses miseriam & æumnas ge-
neris humani ostensurus, initio homi-
nes ad agnoscendum Deum ipsiusq;
solitam & immensam beneuolentiam
reuocat, vt in ipsa æumnarum me-
ditatione, quibus hæc vita est obno-
xia, hoc præsidium sibi firmissimum
esse uerè statuant: Quòd Deum eter-
num mundi opificem, habent benig-
num protectorem, cuius ope non tan-
tum in afflictionibus & quibuscunq;
vitæ huius angustijs conseruantur,
verumetiam in ipsa morte vitam sibi
sciunt esse repositam. Nulla siquidem
solida & firma est in rebus afflictis
consolatio, nisi quæ in expectatione
auxilij diuini est fundata. Quare vt

in vitæ huius peregrinatione, quæ
mille periculis & difficultatibus
cincta est, certum sit anxijis pectori-
bus asylum, proponit sanctissimus
Vir Dei, non quidem spectandam
esse potentiae mundi amplitudinem,
aut quærenda esse virium humana-
rum præsidia: Sed in Deo spem &
fiduciam omnem collocandam esse,
cuius gratiam & φιλαυθωπίαρ sic
depingit, Quod omnium fidelium
sit habitaculum seu refugij locus, in
quo tuti in æternum acquiescant,
Quodq; hanc protectionem & tutelā
omnibus ad se confugientibus impar-
tierit, à generatione in generatio-
nem, hoc est, inde vsq; ab initio con-
diti mundi, impartiatq; ad finem si-
ue consummationem seculi, ne pijs
quibus interdum firma certaq; se-
des

des in hoc mundo negatur, tuta vn-
quam desit habitatio. Vt autem
hanc φιλανθρωπία qua Ecclesiam
in terris vagantem complectitur,
tanto magis commendet Moses,
mentionem eternitatis Dei facit,
quod ante creationem Montium ter-
rae & Orbis, ab aeterno fuerit,
& in seculum Deus permaneat:
significans ipsum in hac protecti-
one sua constantem esse, quia Deus
est immutabilis, per quem omnia
sunt & constant.

Ex his itaq; discamus, Pri-
mo, in omni inuocatione summè ne-
cessarium esse, vt perpetuam Dei
clementiam erga genus humanum
nobis ante oculos statuamus, atq;
testimonia & Exempla beneficentiæ
ipsius crebrò nobiscum repetamus, vt
in

inde crescat certa in Deum fiducia,
qua in summis etiam angustiis & pa-
noribus statuimus ipsum nobis tutum
esse Domicilium et propugnaculum,
quod euerti aut exturbari non potest.
Nam sine hac fide oratio non est ora-
tio.

Deindè, discamus in tuto reposi-
tam esse omnium eorum salutem, qui
ab humanis præfidijs ad Deum sese
conuertunt. Ipse enim non modò suos
aduersus quæuis incommoda mirabi-
liter tuetur & defendit, verum etiã
æternam lucem & læticiã ipsis com-
municat, facitq; vt resuscitatis tan-
dem corporibus, perpetuam quietem,
multis turbationibus permixtam, in
hoc habitaculo inueniant.

Præterea, hoc in loco obserue-
mus Ecclesiam, cuius in Deo est ha-
bita-

bitaculum, non prorsus aboleri & in-
terire. Tametsi enim nonnunq̃ graui-
ter affligatur, & subinde per noua
hospicia in hoc Mundo vagetur, ta-
men Deus ipse illam à generatione in
generationem, etiam in grauissimis
imperatorum ruinis, maximisq; moti-
bus & mutationibus, perpetuò sua
clementia conseruat. Quemadmodũ
Esaie, 49. dicitur. Ego feci, ego
feram, Ego portabo, & saluabo.

Postremò, cùm constet Deum
æternum esse, omnisq; bonitatis fon-
tem, ac ediuerso nostram hanc vitam
fluxam & fragilem, multisq; ærum-
nis & calamitatibus expositam, mi-
serabilem vitæ nostræ conditionem
æternitatis bonitatisq; Dei conside-
ratio subleuet, ad expectandam ple-
nam liberationẽ ex hoc mortali cor-
pore

pore nos inflammet, & ad contem-
nenda huius Mundi odia animosos
efficiat. Fieri enim aliter nequit,
quin in vero nostro Habitaculo, hoc
est, Deo ipso viuentes ab hisce mise-
rijs eripiamur, & in ipso pace eterna
& gaudio immortaliperfruemur.

DE SECVNDO.

Postquam Moses gratiam & æ-
ternitatem Dei nobis ob oculos statu-
it, vt ad eam in hoc breui & calami-
toso vitæ nostræ curriculo animos at-
tollamus, statim deplorationem fra-
gilitatis & miseriæ vitæ humanæ
subiungit, non quidem vt cum Deo
expostulet, sed vt oscitantiam & se-
curitatem nobis nostram excutiat,
& ad implorandam misericordiam
Dei apud quem solum firmus & trā-
quil-

quillus status est, nos exuscitet.

In his itaq; versibus ostendit, pri-
mò Deum esse qui Hominem conuer-
tit, siue in nihilum redigit, vt illo-
rum hominum errori & inscitiae oc-
currat, qui non aliter de fugacitate
& miserijs vitæ humanæ sentiunt,
quam si omnia ferrètur casu. Propo-
nit enim tanq̃ vniuersale decretum
Dei, cum ait. Tu dicis, Reuertis
mini Filij hominum, significans hæc
esse iusticiæ diuinæ regulam, vt mi-
serijs & morti subyciantur omnes
homines, cuiuscunq; status & condi-
tionis fuerint, quia sunt filij Adæ &
hominum, hoc est, transgressores in
primo parente, qui caput est mortali-
tatis in genere humano. Vnde disca-
mus de tantis rebus non secundum
verbum Dei iudicare, ne fanaticis
Mani-

Manicheorum & Epicureorum opinionibus abstrahamur, quæ sunt causæ contemptus Dei, & negligentiae iusticiæ & iudicii Divini.

SECUNDO, brevitatem huius vitæ depingit, ac longissimum tempus, quod homines hic cogitare possunt, æternitati confert, ut eos qui præsentis vitæ nimium sunt addicti, & in perpendenda communi fragilitate segnes & stupidi, ac si ad mille annos vel duo millia victuri essent, à stulta sua imaginatione reuocet & ad cælestem Dei æternitatem cogitandam experges faciat. Tametsi enim multi quotidiana experientia fragilitatis suæ admonentur, dum vident propinquos, amicos, vicinos, subito abripi: tamen quia sese cum alijs conferendo multos annos sibi pol-

pollicentur, & vitæ metam quam
non attingunt stultè sibi proponunt,
ad eam studia & voluptates suas ne-
glecta cœlestis vitæ noticia ordināt,
Vnde ipsos nonnunq̃ inopinantes re-
pentina inuadit mors & interitus.
Et sanè si hæc diurnæ vitæ imagi-
natio multorum hominum animos,
qui hodie viuunt, nō occuparet, haud-
quaquam tantam iniusticiam & tyran-
nidem exercerent, cum contemptu
Dei & summa proximi iniuria, non
se vsq̃ adeò ebrietatibus, lasciujs,
libidinibus & omnis generis flagitijs
totos traderent. Sed quia breue tem-
pus, quod certè Diei hesternæ, &
Vigiliæ nocturnæ quæ preterijt, cō-
paratur, pro æternitate statuunt, à
cælo oculos spontè auertunt, & De-
um æternum, in cuius conspectu
B mille

mille anni sunt tamq̃ dies unus, ne-
gligunt & contemnunt. Quare re-
etè Syracides, cap: 18. Quid est ho-
mo, aut quid efficere potest? Quid
adeò magni prodesse aut nocendo ob-
esse potest? cum maximè longæuus
est, centum viuit annis. Et sicut
guttula est ad immensas aquas ma-
ris, & sicut exiguum granulum ad
arenas in littore maris, sic sunt anni
hominis ad æternitatem. &c.

Tertio, vt homines Vanitati &
cupiditatibus suis immersos, magis
magisq; velut ex alto somno excitet,
pluribus similitudinibus in perpen-
denda vitæ huius fugacitate eos de-
tinere nititur.

Atq; hic confert vitam Aquæ ra-
pidissimæ, quæ magno fertur impe-
tu, & res omnes secum magna vi ab-
ripit.

ripit. Vt enim aqua natura sua dif-
fluit, & fluuialis cursus sine mora la-
bitur: Ita vita succedentibus inui-
cem temporum articulis, cito transit
donec in sepulchrum cadamus, &
absoluta periodo in terram reuerta-
mur.

Confert præterea vitæ nostræ cur-
riculum Somnio, vt Vanitatem cum
breuitate notet. Vt enim Somnium
breue est, Varium & Vanum: Ita
vita hominum non modò brevis, sed
etiam rerum tristium & letarum
Varietatibus & Vanitati est obno-
xia. Interdum enim successibus læta-
mur, interdum verò aduersitatibus
angimur, magnæ rerum vicissitu-
dine in hac vita volumur, non secus
ac aliquis euigilans, ijs quæ se in som-
nio accepisse gaudebat, se frustratum

videt, & quæ in somnio se amisisse
dolebat, adhuc se retinere memi-
nit, &c.

Adijcit insuper vsitatā in scrip-
turis Herbæ siue graminis similitu-
dinem, quod mane floret & uesper-
ri succiditur & arefcit: vt cogite-
mus vitam etiam florentissimam &
multis dotibus ornatam, fluxam &
caducam esse. Vt enim herba mane
habet floridum, & vesperū aridum:
ita vita nostra breui terminata tem-
pore, cum omni sua elegantia labi-
tur & exarefcit. Sic Esaias Cap: 40.
Omnis caro fœnum, & omnis gloria
eius quasi flos agri. Exiccatum est
fœnum, & cecidit flos, quia spiritus
Domini sufflauit in eo. &c.

DE TERTIO.

Hæc

*Hæc omnia diligentem à nobis
requirunt meditationem. Quia ta-
met si nemo inficias ire possit, quin
talis sit vita nostra, qualis hic depin-
gitur: tamen paucissimi sunt, qui sic
se mortales esse cogitant, ut relictis
huius mundi vanitatibus, ad cœle-
stem eternitatem contendant. Qua-
re huius doctrinæ hi præcipuè sunt
usus.*

*PRIMVS, ut terrenas cogita-
tiones, quas iuxta carnis nostræ sen-
sum de vitæ nostræ diuturnitate no-
bis fingimus, quantum fieri potest
exuamus, & quia huius vitæ spaci-
um breue & multis vicissitudinibus
obnoxium esse audimus, sepositis
anxijs Mundi huius curis, ad eter-
nam vitam & immortalitatē in cœ-
lestibus nobis repositam semper aspi-*

B 3

remus.

remus. Conuersatio enim nostra (vt
Paulus loquitur Philip: 3.) in cælis
est, vnde saluatorem expectamus
Dominum nostrum Iesum Christum,
qui transfigurabit corpus nostrum
humile, vt conforme fiat corpori
suo glorioso, secundum efficaciam,
qua potest etiam sibi subycere om-
nia. &c.

SECUNDVS, vt iuxta ad-
monitionem Diui Petri, in 2. Epist.
Cap: 3. à promissionibus Dei non
excidamus, aut spem futuræ resur-
rectionis, quia pro voto non festinat
Christus, abyciamus. Quia vnus
dies apud Dominum sicut mille an-
ni, & mille anni sicut dies vnus.
Non ergò deficiant animi in ex-
pectatione gloriosi aduentus Chri-
sti, quo plena liberatio & æter-
ne

na vitæ perfruitio omnibus fidelibus adferetur.

TERTIVS, vt in varijs Mundi huius ærumnis & afflictionibus, quibus subinde premimur, ad patientiam flectamur. Non enim casu aut temerè hæc nobis eueniunt, Sed Dei prouidentia, qui certis de causis suos fideles cruce vult exerceri. Neq; enim propter diuturnas afflictiones, vel nos neglexisse, vel faciem suam à nobis auertisse putandus est, præsertim cum non idem sit apud Dominum qui apud nos est prolixi temporis sensus. Et certè finem miseriarum nobis adijcit vitæ nostræ terminus, qui fortè ex expectatione nostra futurus est breuior.

B 4

Quar

QVARTVS, ut dum impio-
rum successus & prosperitatem in
hoc mundo, atq; etiam tyrannidem,
quam pro libidine exercent aspici-
mus, haud scandalizemur, Sed scia-
mus minimè perpetuam fore. Quia
Dominus, cui nullum tempus longū
est, oppressionem suorum haud ne-
gligit, Sed debito tempore gloriam,
potentiam, adeoq; memoriam illorum
tamq̃ somnium faciet, et de terra era-
dicabit, vt condignum referant suæ
iniquitatis præmium, &c.

CONCIO DIEI

secundæ.

TEXTVS.

7. Quia defecimus in ira tua, & in
furore tuo turbati sumus.

Pos

8. Posuisti iniquitates nostras in
conspectu tuo, occulta nostra
in lumine uultus tui.

9. Quoniam omnes dies nostri de-
clinant præ ira tua, consumis-
mus annos nostros sicut fabu-
lam.

10. Dies annorum nostrorum sep-
tuaginta anni, aut ad summū
octoginta anni, è quibus quod
optimum est, est molestia &
labor. Transitus enim celer
est, & auolamus.

11. Quis nouit potentiam iræ tuæ,
& quis metuit iram tuam.

ENARRATIO.



ESTERNA CON-
cione Charissimi, ex ora-
tione Mosis magnitudo
gratiæ Dei proposita est, qui nos mi-

B 5

seros

Seros, fragiles & multis calamita-
tibus in hac caduca & ærumnosa
vita expositos, in suam tutelam re-
cipit, & seipsum aduersus quæuis
incommada propugnaculum & do-
micilium exhibet. Ac simul vitæ
nostræ conditio elegantibus simili-
tudinibus depicta est: Vt vtrunq;
rectè agnoscere discamus, nimirum
naturæ nostræ fragilitatem, Vari-
asq; infirmitates, quas secum morta-
le hoc corpus adducit: et æternam
Dei clementiam, ad quam vera fi-
de, in omnibus vitæ huius angustijs
confugiendum est, vt hac vita iux-
ta voluntatem Dei orbat, cum
Deo in æternis habitaculis læti vi-
uamus.

Iam verò causam calamitatum,
quas indies experimur, proponit
Mo

Mose
medi
tatem
tuat,
sidera
cuset.
remu
comm
hum
tis se
am n
pend
dent
rimis

Moses, vt ad vberiore[m] huius rei
meditationem nos perducatur, graui-
tatem peccati nostri ante oculos sta-
tuat, & securitatem nostram in con-
sideranda magnitudine irae Dei ac-
cuset.

Duo itaq[ue] in his verbis conside-
remus potissimum.

Primum est, Assignatio causae
communium ærumnarum in genere
humano.

Alterum est deploratio inge-
ntis securitatis, qua homines neq[ue] su-
am miseriam neq[ue] iram Dei recte ex-
pendunt.

DE PRIMO.

Quia multi homines cum vi-
dent in natura humana, quæ plu-
rimis antecellit dotibus, multipli-
ces

ces & tristes vagari miseras, se-
cum anxie disputant, Vnde tanta
sit confusio, vnde mors, morbi, &
quaecunq; incidentia vitæ incommo-
da, proponit Moses tantarum ærum-
narum rationem, Quòd nimirum hæ-
sint pænæ, quibus Deus ipse iusto iu-
dicio peccata nostra & enormem na-
turæ nostræ prauitatem punit. Post-
quam enim homo ad imaginem Dei
& incorruptibilem lucis diuinæ per-
fruitionem conditus, spontanea auer-
sione & inobedientia, in peccatum
prolapsus est, statim peccatum conse-
quutæ sunt horribiles in natura mise-
riæ, quibus Deus ipse iram suam ad-
uersus hanc ordinis & legis suæ vio-
lationem & contemptum declarare
voluit. Deus enim irascens pecca-
tis, propter iusticiam suam morti &
alijs

alijs p
ipso
aliors
quæ s
pereu
ait, i
eius
esse g
pecca
at, or
cator
Dei
strar
stissi
lam
est, f
confu
tione
do

alijs plagis homines subiecit, ita ut
ipsorum mors & interitus à morte
aliorum animantium longè differat,
quæ sine peccato suo & sine ira Dei
pereunt. Atq; hoc est quod Moses
ait, In ira nos consumi & in furore
eius conturbari, significans hanc
esse gravitatem iræ Dei aduersus
peccatum, ut ignis rationem habe-
at, omnia vastantis & consumentis.

Deinde evidente confessione pec-
catorum, testatur non modò iram
Dei terribilem, calamitatum no-
strarum causam esse, Sed etiam in-
stissimam esse, quia nostra culpa il-
lam in nos concitauimus.

Deus enim, qui infinitum bonū
est, ferre non potest hanc in natura
confusionem, & ordinis sui corrup-
tionem, Sed grauiter irascitur pec-
catis,

catis, & legis suæ transgressionibus.
Quantoperè autem excandescat prop-
ter iniquitates nostras, his verbis
exprimit Moses, cum ait, ponis ini-
quitates nostras in conspectu tuo.
vel, ante te: grauitè admonens,
quod tametsi homines nitantur pec-
cata sua tegere, & sceleribus suis
quærere latibula, foris nescio quam
pietatis simulationem præ se feren-
tes: tamen ea est peccati nostri gra-
uitas in conspectu Dei, vt non prop-
tereà impunitum relinquatur: tan-
taq; est Dei offensa, vt nihilominus
vigilantibus oculis delicta nostra
cernat, & vindictam de ijs sumat.
Tametsi enim nos vel paruipenda-
mus, vel non intelligamus magnitu-
dinem peccatorum nostrorum, præ-
sertim quæ ab oculis nostris sunt

ab

ab

abs
laps
Tan
sing
exa
Tex
uult

non
in
tota
repe
man
lati
si a
igu
fine
uin
vita
tran

bus. abscondita, ut sunt multi interni
prop. lapsus, ignorantia, Diffidentia, &c
erbis Tamen Deus illis ita irascitur, ut
inis singula ante se diligenter excutiat
tuo. examinetq. Quemadmodum habet
ens, Textus. Occulta nostra in lumine
pec. uultus tui &c.

suis Præterea, ut ostendat Moses
uam non inanem esse hanc iram, sed tam
eren. in singulis hominibus, quam in
gra. tota natura suos habere effectus,
prop. repetit concionem de breuitate hu-
tan. manæ vitæ, & dicit vitam pau-
inus. latim consumi in ira Domini, quæ
stra. si diceret, non esse hanc iram ex-
nat. igui temporis, sed durare vsq. ad
nda. finem vitæ. Graue namq. iræ Di-
nitu. uinæ testimonium hoc est, quod hæc
præ. vita nostra non tantum citò per-
sunt. transit, & rarò ultra annum
aba. octo-

octogesimum se extendit: Sed etiam
quod in ea optimum est, plenum sit
laborum & molestia, ita ut verè la-
mentationum vallis dici possit. An
non gravissima molestia est quod ho-
mo totus, quantus sit, obnoxius sit
peccato, morbis & morti: Quod cor-
pus expositum sit omnium rerum in-
iurijs & infirmitatibus, ubi tot sunt
morbi quot sunt articuli: Quod mens
invalida, improuida, cæca, ignara
Dei: Quod voluntas reclamet rectæ
rationi, Quodq; affectus inordinatis
cupiditatibus contra legē Dei æstu-
ent, & actiones omnes, studiaq; per-
uersæ voluntati conformia, & cum
laboribus coniuncta sint.

Hinc ergo discamus, primum
Deum verè & seriò irasci peccatis,
nec relinquere illa impunita, etiamsi

nos

nos
eni
rim
mor
Ose
Do
Do
No
ser
ter
&
ter
san
ge
qu
per
tæ
ui
ter
nos

etiam
m sit
re la
. An
d ho
us sit
d cor
m in
t sunt
mens
nara
recta
natis
estu
per
cum
mum
catis,
iam si
nos

nos nobis ipsis abblandiamur. Sunt enim omnes calamitates, quas experimur in hac vita, certissima testimonia irae diuinæ. Quemadmodum Osee 4. dicitur. Audite verbum Domini, filij Israel, quia iudicium Domino cum habitatoribus terræ: Non est enim veritas, & non est misericordia, & non est scientia Dei in terra. Maledictum & mendacium & homicidium, & furtum, & adulterium, inundauerunt, & sanguis sanguinem tetigit. Propter hoc lugebit terra, & infirmabitur omnis qui habitat in ea.

Cum ergo eueniunt bella, fames, persecutiones, & quaecumque alia vitæ incommoda, sciamus hæc iræ diuinæ flagella esse, nec ea leuiter contemnamus, sed exhorrescamus toto pecto-

pectore ad iudicium Dei, quod ad-
uersus nos exercet: scientes quod ni-
si poenitentiam egerimus, non tantū
morbis, & morte nos puniet tempo-
rali, verumetiam æterna, vbi erit
fletus & stridor dentium.

Secundò, verè statuamus, Deū
non tantū irasci peccatis, et punire ea
quib⁹ irascitur, sed etiā καὶ δὴ τοῦτο εἶναι
esse, & quòd omnia quæ fiunt à nobis
quæq; vel latēt vel manifesta sunt in-
trospiciat. Sunt enim omnia exposita
illius cōspectui, nullaq; prorsus occul-
ta, quantumuis impia quadā hypocri-
si ea tegere nitamur. Et sanè, hæc co-
gitatio summè necessaria est. In mul-
tis enim hominibus, tāta regnat cæci-
tas, quòd nō credant occulta sua pec-
cata Deo esse cognita. Si enim verè
statuerēt hæc se in oculis & conspectu
Domini æterni Dei perpetrare, vel

pro
pec
ret
dis
te a
con
ve
re,
qu
un
ta
om
in
lo

ob
cō
pe
pe
ta

propria ipsorum conscientia aliquem
peccandi metum inijceret & conuince-
ret eos homines esse non tantum stoli-
dissimos, sed etiam ab omni sana mē-
te alienos, qui securè peccando, Dei
conspectum non reuererentur. Iam
verò quia cogitant Deum vel nesci-
re, vel (vt quidam aiunt) aliud agere
quàm vt secreta nostra rimetur, vi-
uunt in suis libidinibus, odijs, obtrec-
tationib⁹, tyrānide, dolis, securè absq̃
omni pœnitentia, & se satis sanctos,
iustosq; arbitrantur, si hominum ocu-
los & iudicia de se possunt effugere.

Tertio, cum tanta mala eueniāt
ob nostra peccata, quæ ponuntur in
cōspectu Dei, laboremus quantū fieri
possit, vt hāc causam iræ Dei tollere
possim⁹. Verè enim beati sumus si tec-
ta & remissa fuerint peccata nostra,

Quemad: David Psal: 32. ait. Beati quorum remissæ sunt iniquitates, & quorum tecta sunt peccata.

Sed quomodo id euenit? Id fit vera & assidua pœnitentia. Agnoscamus nostram fœditatem, & infirmitates nostras externas & internas veris gemitibus deploremus. Confugiamus in vera fide ad gratiam filij Dei, qui solus factus est victima, vt expiaret hanc iram æterni patris propter peccata, verèq; statuamus ipsius sanguine ea sic ablui, & ipsius iustitia sic tegi, ne vnq̃ in conspectum Dei prodeant. Caueamus summo studio ne peccatis nostris in posterum iram Dei aduersus nos concitemus, sed vt vitam nostram iuxta voluntatem Dei componamus & honestè tamquàm in die ambulemus.

De

one
à m
mù
mor
&
cur
tion
sec
ma
tan
sin
uar
mi
ali
fer
me
ru
ue

DE SECVNDO.

*Hæc cum summa animaduersi-
one digna sint, nec tamen, vt par est,
à multis expendantur, idq; potissi-
mum quia homines vel salutare ad-
monitiones contemnunt, vel studijs
& curis huius mundi constricti, se-
curè & ociosè quæ ad salutis suæ ra-
tionem pertinent, omittunt: Moses
securitatem hanc accusat, & excla-
matione quadam deplorat, quòd in
tantis rebus prorsus stupidi sint, ac
sine omni sensu & cogitatione vi-
uant. Hæc enim res efficit, vt ho-
mines ab omni pietate & ab ipso Deo
alienentur, in scelera quæuis rabiosè
ferantur, & tandem in dedolentiam,
mentem reprobam & desperationem
ruant. Quamdiu enim non animad-
uertunt Deum irasci peccatis, nec*

oculos ad examinandam propriam
fœditatem aperiunt, tam diu iacet
omne pietatis studium, nullus est in
ipsis timor Dei, nulla pœnitentiæ &
inuocationis exercitia, nulla nominis
Dei aut communis honestatis reue-
rentia. Sed viget dumtaxat pec-
candi libido & procliuitas, contemp-
tus Dei & sacrosancti ministerij,
fremitus & indignatio aduersus
Deum, Tyrannis & vniuersalis in-
iustitia. Quod quam verum sit quo-
tidiana experientia docet, in ijs qui
tamq̃ Cyclopes verbum Dei rident,
& Deum ipsum fulminantem, &
flagella suæ iræ multis signis & ex-
emplis ostendentem, securè aspernan-
tur. Tametsi autem impijs omnibus
grauis est carnificina propria consci-
entia: tamen cum tanta securitate
de-

det
cata
test
rab
ex
con
rib
cum
&
per
dur
nob
nos
tim
ve
ha
uer
ner

detinentur, vt neq; vocem Dei peccata accusantem, neq; iudicij diuinis testimonia reuereantur: magis in rabiem aduersus Deum feruntur, & ex cæco illo metu tamq̃ phrenetici contumacius obstrepunt.

Quare cum nulla maior & horribilior cogitari possit miseria, quã cum corda hominum adeò insensata & ferrea sint, vt nullo sensu iræ Dei permoueantur, diligenter annitendum est, ne hic stupor & cæcitas in nobis radices agat, Sed vt excussa nostra securitate Deum toto corde timeamus, & in nobis accendatur vera cogitatio nostrarum sordium in hac natura, & iusti iudicij Dei aduersus peccatum.

Quæ vt rectè fiant hæc nobis tenenda sunt.

C 4

Pri

Primum, magna diligentia Verbum Dei, quod nos in cognitionem voluntatis diuinæ perducit, legamus, audiamus, meditemur. Et dicta de peccati gravitate, de ira Dei, de vera contritione, de pænis præsentibus & æternis, obseruemus. Atq; etiam exempla punitionis diuinæ, quæ Verbum Dei non frustra commemorat, nobis ante oculos statuamus. Hæc enim si rectè inspiciantur, securitatem nostram nobis excutiunt, & ad timorem Dei nos excitant.

Secundò, victimam filij Dei sæpè multumq; meditemur. Ea enim & gravitatem peccatorum nostrorum & iram Dei proponit, quæ alia ratione placari non potuit, quam passionem & mortem Christi, qui æternus

vni-

vni
pat
wax
min
goc
Pr
pea
nio
pie
ad
sali
ga
næ
ad
im
der
me
ad
cit

ver-
nem
ega-
Et
ira
enis
nus.
di-
strā
sta-
ian-
ex-
ex-
iſa-
nim
tro-
alia
baſ-
nus
vni-
vni-
genitus & dilectus est eterni
patris filius.

Tertiò, cogitemus Sathane
πρωτογονου, quam in decipiendis ho-
minibus exercet, vt eos tandem à ne-
gocio salutis prorsus alienos efficiat.
Primum enim, magna astutia im-
pedimenta quædam obijcit, vt seg-
niores & remissiores in exercitijs
pietatis reddat. Deinde paulatim
ad securitatem deflectit, vt quæ ad
salutis curam pertinent ociosè negli-
gant. Hinc ad contemptum doctri-
næ & totius ministerij adducit, atq;
ad omnem iniquitatem exercendam
impudentes & animosos efficit. Tan-
dem verò ipsos blasphemos & contu-
meliosos in Deum, in desperationem
adigit, & in æternum exitium conij-
cit. Aduersus hæc ignita Sathane

tela, sciamus nobis indies aciem instruendam esse, & sedulò de tantis periculis cogitandū, ne arte & fraudibus Diaboli seducti, tandem ipsius mancipia efficiamur. &c.

Quartò, nullum paciamur nobis diem, sine certis innocationis exercitijs elabi, sed assidue imploremus spiritus Dei assistentiam, vt aduersus naturæ nostræ infirmitatem, quæ ad quoduis malum prona est, aduersus Diaboli furores & praua mundi exempla, nos confirmet. Nam sine præsidio Dei, facilis est & procliuis in quæuis flagitia lapsus.

Quinto, Mundi illecebras & illectamenta summo studio euitemus, & omnes occasiones fugiamus, quibus à Deo & cogitatione rerum salutarium abstrahi possimus. Vbi
enim

enim
& i
min
stin
tum
à pi
alio
tum
Que
erre
nom
nos
arg
De
sus
ius
sio.
S
pri

enim voluptates, ocia, ebrietates,
& inania carnis studia animum ho-
minis occupauerint, magna confe-
stim ad securitatem, & contemp-
tum Dei aperta est fenestra.

Sextò, vbi per imprudentiam
à pietatis cursu aberrauerimus, aut
alioqui carnis infirmitate in pecca-
tum aliquod prolapsi fuerimus,
Quemadmodum varij sunt in vita
errores & multiplex imbecillitas,
non nobis ipsis abblandiamur, sed
nos etiam in leuioribus erratis statim
arguamus, & vera pœnitentia ad
Deum conuertamur, ne exiguis lap-
sus dum non corrigitur magni cu-
iusdam flagitij & exitij sit occa-
sio.

Septimò, pœnas et Calamitates pro-
prias vel alienas, quas in hac vita cõ-
spi-

spicimus, non securè negligamus,
Sed eas ad considerandam nostram
conditionem & iudicium Dei ac-
commodemus, toto animo exhorres-
camus, in timore Domini ambule-
mus, & iram Dei, æternasq. pœnas
ardentibus votis deprecemur.

Octauò, ad cœlestem beatitudi-
nem, quam in æterna vita, vbi πολι-
τευμα nostrum est, possidebimus, per-
petuò aspiremus, & relictis huius
Mundi studijs, quæ superna sunt
quæramus, (Col. 3.) vt consumma-
to huius vitæ cursu, cum Christo, in
quo vita nostra est abscondita, in
æternum viuamus. Amen.

CONCIO TERTIÆ

Diei.

Texa

TEXTVS.

12. Doce nos ut sciamus numerum dierum nostrorum, ut ambulemus corde sapienti.
13. Conuertere Domine, usque quo ⁊ deprecabilis esto super seruos tuos.
14. Reple nos mane misericordia tua, ⁊ exultabimus ⁊ delectabimur omnibus diebus nostris.
15. Lætifica nos post dies afflictionis nostræ, ⁊ post annos quibus uidimus afflictionem.
16. Appareat seruis tuis opus tuum, ⁊ gloria tua filiis eorum.
17. Et sit iucundus Dominus Deus noster super nos, ⁊ opera manuum nostrarum confirma super nos, ⁊ ipsum opus manuum nostrarum confirma.

ENAR

ENARRATIO.



CVM SUPERIORE
concione ostensum sit cha-
rissimi, quamobrem natu-
ra hominis tot ærumnis &
miserijs subiecta sit, & quanta vis
iræ Dei, damnantis cōmunem Mun-
di impietatem, & legis suæ trans-
gressionem: vt nos causam calami-
tatum nostrarum rectè intuentes, de
remedijs cogitemus, atq; relicta sce-
lerata impiorum securitate, in nos
ipsoſ descendamus, & ad Deum om-
nis misericordiæ & consolationis
fontem, in hisce angustijs confugia-
mus. Iam Moses ad solennem quan-
dam precationem se conuertit, qua
petit vt Deus ipse, miseris & afflic-
tis in tanta confusione adsit, suo spi-
ritu corda ipsorum ad agnitionem
pro-

prop
miser
nas
nas
conf
pulc
retu
vide
one i
nos i
dum
orat
rit,
Q
tipl
infi

proprie infirmitatis flectat, ipsiq;
misericordiam suam impertiat, pœ-
nas mitiget, infirmitates quotidiana-
nas condonet, & opera vocationis
confirmet. Vt itaq; cum fructu hæc
pulcherrima precatio à nobis conside-
retur, Duo potissimum hac concione
videnda sunt.

Primum, Quid in ipsa cogitati-
one iræ Dei & miseriarum, quibus
nos in hac vita exercemur, facien-
dum sit.

Secundum, Quo pacto Moses
orationem suam ad Deum institue-
rit, & quid nobis inde discendum sit.

DE PRIMO.

Quia in omnib⁹ vitæ partibus mul-
tiplicia sūt pericula, & plures nostræ
infirmitates, quã vt dignè satis à no-
bis

bis cogitari possunt: Id videndum
præcipue, vt tantis morbis remedia
queramus salutaria, quæ non modò
cicatricibus, Sed etiam vulneribus
medentur. Alij enim cum se angustijs
& doloribus premi vident, fremunt
aduersus Deum, & vsq; adeo torquē-
tur, vt citra omnem consolationem
animum abijciant, & in desperatio-
nem ruant præcipites. Alij præsidia
humana colligunt, illisq; nituntur,
tanto minus se aduersitatibus obno-
xios existimantes, quanto magis
amicorum copia & potentum homi-
num tutela se cinctos esse vident. Alij
vero, instrumenta quædam volupta-
tum consecrantur, vt ipsos quam mi-
nimum calamitatis suæ sensus vrge-
at. Quæ tamen *ἐὐδαιμονία* sunt, & si-
ne firma consolatione homines dun-
taxat demulcent. At.

Atqui in grauius illis certami-
nibus & magnis angustijs, quibus
vita humana hinc inde iactatur, re-
medium est praesentissimum, vt ho-
mo exemplo Mosis, carnalibus cogi-
tationibus frenum injiciat, se totum
Deo commendat, promissionibus
Dei sese sustentet, certusq; de exau-
ditione, ardentibus & assiduis pre-
cibus inuigilet. Quemadmodum Da-
uid Psal: 73. ait. Quem in caelo &
terra praeter te desiderarem? Cum
contabescunt caro mea & cor meum,
tu petra cordis mei, & pars mea,
Deus in aeternum.

Quicumq; enim hoc pacto se in co-
gitatione publicarum & priuataru
calamitatum sustentat, is firmam
consolationem omnia mala superan-
tem, verè percipit. Videt namq; se in

D

aff.

afflictionibus suis, communem Ecclesie in hoc mundo conditionem iuxta voluntatem Dei subire, sentit in media morte praesentiam Dei, & in corde retinet verum & proprium Ecclesie decus, videlicet agnitionem & inuocationem Dei, & laetitiam omnibus mundi delitijs superiorem.

At contra qui ad ærumnarum mitigationem alias res consecretur, negligit inuocationem, paruipendit dulcissimas promissiones Dei, fidem & expectationem auxilij diuini abijcit, & de praesentia Dei dubitat: Is certè, cum non amplius apparent externa praesidia & solatia, prorsus corruit, & internis pauoribus conficitur, donec ex huius vitae miserijs in æternos cruciatus corruat.

Quae

Ec-
iux-
it in
& in
rium
nem
tiam
erio-
rum
tur,
endit
idem
abij-
t: Is
tex-
orsus
con-
mife-
Qua-

Quarè initio tenendum est, in
hac vitæ fragilitate, fugacitate &
necessitatibus omnibus, nihil prius
esse, quam assidua inuocatione De-
um Operis sui admonere, quod est
pauperes & afflictos exaudire.

Quemadmodum Psalmo 60. dicitur.
Da nobis auxilium in tribulatione,
quia vana salus hominum. Item
Psal: 10. Quoniam tu laborem & do-
lorem consideras, tibi derelictus est
pauper, Orphano tu eris adiutor.

Deinde videndum est, ne oratio
nostra hypocrisi contaminetur, &
sine ardore fidei in labijs volitet,
sed vt ex toto corde peccatum de-
plorante, & gratiam Dei in filio
exhibitam intuente, proficiscatur.

Vnde David Psal: 119. Deprecatus
sum faciem tuam in toto corde, mise-

D 2

rere

rere mei secundum eloquium tu-
um. &c.

Ac præterea obseruandum ne
moræ diuturnitas studium precandi
nobis excutiat, aut remissiores ad
orandum efficiat. Deus enim tem-
pus liberationis nobis salutare nouit,
quò verè experiamur non irritas fu-
isse preces nostras. Itaq; iuxta dictū
Esaia. In silentio & sp̃e erit fortitu-
do nostra, id est, in vera patientia
& expectatione auxilij diuini per-
sistemus constantes, & voluntati
Dei nos subyiciemus. &c.

DE SECVNDO.

Cum constet ex oratione seria &
fidei, remedium aduersitates omnes
sanans & subleuans desumi, viden-
dum

tu
ne
andi
s ad
tem
uit,
fu-
ictū
itu-
ntia
ber-
tati
nes
en-
um

dum est quo pacto, post miserie hu-
mane commemorationem, & ingena-
tis securitatis nostrae deprauatio-
nem, suam precationem instituat
Moses, & quid nos in hoc exulcera-
tissimo seculo, sanctissimi viri ex-
emplo, quam maxime petere oport-
teat.

Postq̃ itaq; Moses, peruersum
mundi statum intuens, magnam il-
lam securitatem hominum deplora-
uit, qua velut consopiti, iram Dei
& peccata sua negligunt prorsus, &
cupiditatibus suis indormiunt, prin-
cipio orat Deum, vt doceat nos nu-
merum dierum nostrorum, non
quod inani quadam curiositate quæ-
rat scire vitæ periodum, (plus enim
angustiae quam consolationis ea res
adfert, cum diem mortis nemo possit

D 3

effu-

effugere,) Sed quòd ostendere velit
summè necessarium esse, vt nos qui
inter aerumnarum procellas iacta-
mur, & propriam miseriam negligi-
mus, Deo corda nostra flectente, se-
dulò misérias nostras intueamur, &
stuporem in tantis rebus exuamus.
Idq; ut ambulemus corde sapienti,
id est, vt vitæ huius fragilitatem
rectè considerantes, & ad iram Dei
expauescentes, viuamus in timore
Domini, & cognito vitæ fine, ad
aliam vitam, in qua constans &
perpetua est beatitudo, aspiremus.
Magna enim est dementia, sic ærū-
nosam & caducam hanc vitam am-
plecti, vt nulla cælestis vitæ animos
nostros permoueat consideratio.

Deinde precatur, vt nobis, pec-
cata & infirmitates nostras agnos-
cens

centibus, propitius & misericors sit
Deus, adeoque Misericordia sua, siue
gratia, quæ peccatis omnibus est
vberior, nos repleat, quò exultemus
& letemur omnibus diebus nostris.
Tametsi enim afflictiones in hac vi-
ta, crebræ sunt & multiplices: ta-
men cum gratia Dei, peccata nostra
abolentis, & propter mediatorem
nos acceptantis, nobis affulget,
magna oritur in corde lætitia &
consolatio, & in summis periculis
adsunt, pax & gaudium in spiritu
sancto.

Adhæc, Quia solus Deus qui
certo consilio Ecclesiam affligi per-
mittit, eam ab ærumnis iuxta bene-
placitum suum liberare potest, Orat
Moses vt ipse post dies afflictionis
nos lætificet, id est, pœnam miti-

D 4

get,

get, & ab ærumnis, quibus torque-
mur eripiat. Idq; vt ipsius G L O-
R I A appareat, id est, inter homi-
nes celebretur Dei clementia & be-
nignitas, qui nō in perpetuum irasci-
tur, sed clementer suos respicit, libe-
rat, defendit, & reipsa se suorum fi-
delium protectorem & defensorem
esse declarat.

Præterea, cum in hac natura,
multæ hæreant infirmitates & erra-
ta, quibus fide & spirituali lucta re-
pugnandum est, precatur Moses vt
Deus suæ clementiæ memor, nobis
ea omnia condonet, nec has sordes,
& reliquias peccati, quibus contami-
nata est natura, nobis imputet, sed vt
nos à tyrannide peccati benignè cu-
stodiat, & gratia sua in vera pieta-
te nos quàm diutissimè conseruet.

Postre-

Postremò, petit vt opera ma-
nuum nostrarum super nos confir-
met Deus, id est, vt officia vocati-
onis nostræ ad gloriam suam rectè
gubernet, faciat nos vasa misericor-
diæ, tribuat gratiam piè sobriè &
iustè viuendi in præsentī seculo, sitq;
in omnibus actionibus, Dux, au-
thor, & præses noster, cuius gratia
conatus & studia nostra verè & or-
dinatè gerantur. Nam sine Deo vo-
cationem nostram iuuante & diri-
gente, omnes labores inanes sunt, &
irriti.

Discamus itaq; nos, hæc præci-
pua esse quotidianæ precationis no-
stræ capita, vt Deus sua luce tene-
bras mentis nostræ expellere velit,
corda nostra suo spiritu ad agendam

D 5

pœni-

pœnitentiam flectere, propitius esse
peccatis nostris propter filium medi-
atorem, nos ab omnibus huius vitæ
incommodis liberare, ab hoste tam
interno quam externo potenter eripe-
re, à peccatis conseruare, & opera
manuum nostrarum ad voluntatis
sue normam perpetuò dirigere, ut
ipsius clementiam, præsentiam, pro-
tectionem, auxilia aspicientes, ip-
sum in omnem æternitatem cum
angelis & electis Dei
omnibus celebre-
mus. Amen.



PRIMÆ DIEI

Precatio.



Euige Herre Gud / du
som est altid vor euige
trøst oc tilfluct / Wi ar-
me Mēniske aff hiertet
begræde den store elendighed oc
bedrøffuelse / som wi for vore
mangfoldige Synder ere vnder-
giffne / thi aff din store Brede oc
retferdige Dom ere wi alle dø-
delige / vort leffnit er som græss
paa Jorde forgægelig / oc plagis
haardelige met atskillige genuor-
dighed: Wi bede dig ydmygeli-
gen O naadige Fader / vdoß
icke al din vrede offuer oss / som
vore Synder fortiene / Men
spar oss naadeligen / formilde oc
affa

affuend denne vor jammer oc sw-
selhed / regære vort liff oc leffne
saa her i Verden / at wi maatte
leffue met dig i Himmerigis glæ-
de euindelich / ved Jesum
Christum vor Herre /
A M E N.

SECUNDÆ DIEI

Precatio.



Euige Herre Gud / du
setter vore Misgermin-
ger i liuset for dit An-
sigt / oc straffer dem ret-
ferdelige i mange maade / Men
wi ere i saa stor tryghed oc for-
blindelse hensaldne / at wi icke
befiende vore grossue Synder /
wi betencke icke at vor egen Snd-
skab

skab oc skendige gierninger ere
Orsage til disse mange plager
off dagligen paakommer: Vi
bede dig yndmygeligen O naadi-
ge Fader / opluse vore hierter
met din hellig Aand / lær off ret-
teligen vore Misgierninger at
betencke / at wi kunde alffuerli-
gen omuendis til dig aff gantske
hierte / Forlad off alle vore Syn-
der / oc giff off din Naade til at
lessue effter din Guddommelige
vilie / oc fortrøste off altid paa
din Barmhiertighed / ved
Jesum Christum vor
Herre / Amen.

TER

TERTIÆ DIEI

Precatio.



Euige HERRE Gud/
som haffuer nu lenge
besøgt oss met din Bre-
dis straff oc mangfol-
dige plager/ Vend dig igen til oss
oc ver oss naadig/ opsyld oss met
din Barmhiertighed / betee oss
dine velgierninger oc din ære/
beuiß vor naadige Herre Ko-
ning Friderich din Guddomme-
lige hielp oc beskermelse/ Saa at
hand met oss oc alle andre hans
Vndersaatte maatte naadeligen
beuaris fra atskillige vaade oc
fare/ oc trøstis effter denne lang-
uarende Bedrøffuelse/ At wi al-
lesammen kunde som dine kiære
Børn

B
i 2
ger

Børn leffue Gudfructelige her
i Verden/ flitige til gode gernin-
ger/ oc met hiertens glæde loff-
ue oc prise dig euindelige/
ved Jesum Christum
vor Herre.

A M E N.

HAFNIÆ,
Excudebat Laurentius
Benedict.

I 5 6 5.



Item ist zu verstehen das
ein jeder der in der
Welt ist mit dem
gottlichen geist
begabt ist



Ex libris Laurentinae
Benedict.



